

Polonia,

- L I D A -  
23.VI.1926.

Vere Aestimato Domino Professore et Praesidente, *R. 29* —

Recipe vestro epistula de 6 Junio et charta postale de 9 Junio anno currente et age sincero gratias pro illos.

Me maere quod laborioso et adsiduo Ing. Canesi es probabile translocato in alio regione et non pote collabora in ApI sicut hodie.

Vos tribue ad me permagno honore dum vos desidera lingue ad me directione de nostro praeclaro Academia. Si Vos, honorato Professore, et alio interlinguistas de vario scholas opina quod ApI sub meo directione progredere, tunc me accipe isto candidatura. Plure homine stude quaestione de interlingua sed nemo tracta illo in modo "professionale" - me puta quod me es solo qui occupato es ab problemate interlinguale in tale exclusivo modo et qui sacrificat toto suo libero tempore ad studio theoretico, discussione per correspondentia et applicatione practico de Lingua Internationale Auxiliare Artificiale. Ceterum me es in bono relationes cum vario scholas interlinguistico et habe pleno favore de illos.

In ultimo tempore Prof. Dre Leau de Nancy transmittit ad me pulchro opinione super meo projecto de cathedra universitario pro linguistica constructivo. Etiam IALA appretia meos labores et exprime suo pleno approbatione.

Weisbart mitte me **textu** de suo novo propositione ad votatione - me responde in modo sequente: "Etsi ApI per votatione annihilat regula de vocabulos ADFHIPR--AL--themate latino, tandem illo annihilatione manet illusorio nam in praxe majoritate de socios vel scribe in L.s.fl. que obceat ad regulas annihilato et non i permitte ut per suo pecunia es publicato articulos composito in alio linguas. - Es inutile de vota super propositiones que muta statu praesente in theoria et non in praxe."

Ad isto meo epistula Weisbart responde: "Sequ **T a b u l a** ed **S o c i o s** n o v o ApI hava 341 socios - inter los 227 Italianos,

maiorita de 2/3, ke nonmulti exceptiones adherentes de L.s.fl. Tali circum-  
standes non plus es normal ed san. Le gazette del ApI es payat per le pekunie  
de tuti socios. Si le maiorita del Latinistos non ceda proportional spatie  
in le oficial gazette al minorita, qui-sui pekunie es so bon as ti del maiori  
- tan le minorita deva abandonir ApI, id es nus deva dividir o separir inter  
Academia pro Interlingua et Academia pro Latino sine flexione. - Io saluta  
sincerim voi kandidatire al direktion de ApI .....io prefera non fundir  
"Unione por Interlingue" si neutralisire de ApI es posibl."

Me opina quod nos debe cede ad alio systemates parte de nostro periodico  
parte stricte proportionale ad contributione quem solve relativo fautores.

Me propone laborioso consocio prof.Nicola Mastropaolo in Milano ad offi-  
cio de V i c e d i r e c t o r e de ApI.

Me loque dum Pascha cum consocios prof.Banachiewicz et Dickstein super  
manuale de Interlingua pro usu de Polonos - ambo non pote promitte me suo  
auxilio pecuniario nam relative expensu es nimis magno.

Gratias ad informaciones de Prof.Leau et de Beaufront me scribe ad  
Ido - Kontoro in Thon-les-Vosges in Francia et recipe ab illo "Les nouvelles  
langues internationales" et "Studyo pri la derivado" pro pauco franco.

Accipe, Honorato Domino Professore, expressiones de meo alto  
respectu et salutationes multo cordiale

ab vostro semper devoto et fidele

*Jexirovkin*

P. S.

*In idem tempore me transmittite vos sub banderolla  
speciale № de periodico continente recensione de  
pasigraphia de Erdmann.*